



Inatsisartuni ilaasortaq
Doris J. Jensen, Siumut

Nuugaatsiaq Illorsuillu pillugit § 37 naapertorlugu apeqquteqaat nr. 69-2020 pillugu

Asasara Doris J. Jensen

Inatsisartut suleriaasianni § 37 naapertorlugu Nuugaatsiaq Illorsuillu pillugit Naalakkersuisunut apeqquteqaateqarputit. Apeqqutit uannut akisassanngorlugu innersuunneqarpoq.

1. Nuugaatsiami Illorsuarnilu tassaarnersuaq sioqqullugu najugaqartut qaqugu pigisaminnik nunaqarfigisimasaminnut aallersinnaatitaalissappat?

Karrat Kangerluanni pinngortitami ajunaarnersuup pereersimatsiarnerani, upalungaarsimasut Nuugaatsiami aamma Illorsuarni innuttaasut kissaateqartut namminneerlutik pigisaannik aallernissaat aaqqissuunneqarpoq.

Kalaallit Nunaanni Upalungaarsimanermut Ataatsimiititaliap naliliinera malillugu Illorsuit aamma Nuugaatsiaq, kiisalu Karrat Kangerluata ilaani taakkununga atasuni qaqqat nutaamik annertuumillu sisoorsinnaaneri, taakkunungalu atasumik tassaartoqarsinnaanera peqqutigalugu ulorianartorsiorfiungaatsiartutut isigineqartariaqarput. Innuttaasut sumiiffimmi angalanissaat imaluunniit pigisaminnik aallernissaat inerteqqutigineqanngilaq, inassutigineqaranili.

Inussiarnersumik inuulluaqqusillunga

Kim Kielsen

Allakkap ullua: 15-05-2020
Suliap normua: 2020 – 8299
Akt-id: 13731353

Postboks 1614
3900 Nuuk
Oqarasuaat: (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl